



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 313. Usque Ad Annum 361

**Fleury, Claude**

**August. Vind. [u.a.], 1758**

**VD18 90117778**

§. 10. Tractatus S. Hilarii de Synodis.

---

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

te erant Episcopi, tamque a cupiditate  
alieni.

Sæculum IV.  
A.C. 359.

## §. X.

*Tractatus S. Hilarii de Synodis.*

Gallia, & Britannia Episcopos, qualis  
Orientalium fides esset, optime do-  
cuerat S. Hilarius in scripto ex Phrygia  
ad eos misso, nempe in Tractatu suo de  
Synodis, circa finem anni 358. illo tem-  
pore, quo de loco Concilii in Oriente  
celebrandi deliberabatur, composito. In  
hoc tractatu S. Hilarius diversas fidei for-  
mulas explicat, quas Orientales a tem-  
pore Concilii Nicæni ediderant, ut Oc-  
cidentalibus ostenderet, eas bonas esse,  
aut saltem tolerabiles, nec eas recipien-  
tes pro Arianis habendos. Tum rogat,  
ut

Sup. XIII.

§. 34.

Hilar. de  
Synod.

nostro vel est ignorantia non ferenda, vel turpe  
mendacium. Nam non ideo ad Concilia profi-  
discebantur Episcopi Catholici, ut discerent, sed  
ut docerent, & definirent, quid Hæreticis obsti-  
natis credendum. Ita ad Concilium Tridenti-  
num venerunt Episcopi, non ut discerent, an Lu-  
theri errores ab Ecclesia jam dudum in aliis Hæ-  
reticis damnatissimi tolerari possent, sed ut  
omnium Episcoporum consensu Novatorum con-  
tumacia vel frangeretur, vel confunderetur, &  
Fideles in vera fide confirmarentur. Alii erro-  
res hujus Versionis Germanicæ sunt innumeri.

*Hist. Eccles. Tom. III.*

Ccc

Sæculum IV. ut ipsi de formulis istis, quarum expli-  
 A. C. 359. cationem a se petierant, iudicium fe-  
 rant, sed non prius, quam totum ejus  
 scriptum legissent. Prima, quam expli-  
 cat, formula est illa Semi-Arianorum eo-  
 dem anno 358. in Concilio Ancyrano  
 condita, utque facilius capi possit, prius  
 illam refert, quam puri Ariani Sirmii an-  
 no 357. composuerant, eamque vocat  
 Ofii, & Potamii blasphemiam, quod Po-  
 tamium auctorem haberet, & ei Ofius  
 infirmitate lapsus subscripsisset. Ex de-  
 finitione Ancyrana non plura, quam duo-  
 decim anathemata explicat, inter quæ  
 ultimum, vocem Consubstantialis dam-  
 nans, non legitur, nempe quod cum cæ-  
 teris publicatum non fuerat. Nihilomi-  
 nus etiam hac ex parte excusari possunt  
 Patres Ancyrani, si dicatur; eos non ali-  
 ter, quam in illo malo sensu vocem,  
 Consubstantialis, damnasse, quo a qui-  
 busdam accipiebatur. Altera formula,  
 quam S. Hilarius explicat, est illa Con-  
 cillii Antiocheni Dedicacionis anno 341.  
 apud Orientales celeberrima; est nem-  
 pe ex duabus, quæ in Concilio propositæ  
 fuerunt, posterior, quam nonaginta se-  
 ptem Episcopi præsentibus approbarunt;  
 hæc S. Luciani opus esse ferebatur, &  
 nihil deest, nisi vox consubstantialis, sed  
 eo ipso illis magis placebat, qui hanc vo-  
 cem suspectam habebant. S. Hilarius  
 hanc

hanc formulam totam esse Catholicam Sæculum IV. A. C. 359.  
 monstrat. Tertio loco adducit formu- Sup. XII. §. 40.  
 lam Concilii Sardicensis, nempe Conci-  
 liabuli Philippopolitani, cui Sardicensis  
 nomen falso tribuebant, Confessio tamen  
 illa erat Catholica, sola voce consubstan-  
 tialis omissa. Quarto explicandam assu- Sup. XIII. §. 6.  
 mit formulam primi Concilii Sirmiensis,  
 acti anno 351. ab Orientalibus contra  
 Photinum cum viginti septem anathe-  
 matibus, quæ quidem expresse Semi-  
 Arianorum Doctrinam non excludunt,  
 at neque manifeste errorem continent,  
 econtra aperte plures errores Pure-Aria-  
 norum, Sabellii, & Photini damnant.  
 Et hoc est, quod S. Hilarius inculcat.

*Tum, ne miremini, fratres mei! sub-  
 jungit: tantam formularum fidei multi-  
 tudinem, has enim hæreticorum furor red-  
 didit necessarias; maxime profecto Eccle-  
 siæ Orientales periclitantur, cum vari* Tractatus S. Hilarii.  
*sunt, etiam Episcopi, qui vel hanc for-  
 mularum istarum fidem, quam vobis ex-  
 plicari, & judicandam relinquo, teneant.*  
*Sciens loquor, quæ auribus meis audiui,  
 & oculis meis vidi; si Episcopum Eleu-  
 sum, & cum ipso paucissimos excipiatis,  
 plurima pars decem Provinciarum Asiæ,  
 ubi moror, Deum ignorant, aut ideo  
 cognoscunt, ut blasphemant. Scandala,  
 schismata, infidelitas dominantur. O vos  
 felices! qui fidem Apostolicam puram ser-  
 vastis!*

**Sæculum IV. vastis!** & tot scriptas fidei formulas ba-  
**A. C. 359.** *stenus ignorastis, sed quod corde credidi-*  
*stis, ore fuistis confessi!* Illas voces de-

inde exponit, quæ propter suam ambi-  
 guitatem Occidentalium fidem Orienta-  
 libus suspectam reddebant; primo loqui-  
 tur de voce, substantia, ostendens, quam  
 perverso sensu accipi possit hæc proposi-  
 tio; unam esse Patris, & Filii substan-  
 tiam, nam concipi poterat vel una sola  
 Persona subsistens, aut eadem substantia  
 in duas partes divisa. Ideo suadet, ut  
 prius distincte explicemus, quid de Pa-  
 tre, & Filio credamus, antequam una  
 hac voce fidem nostram complectamur.

p. 352. Ulterius explicat vocem: similis, ait-  
 que: idem esse dicere, Filium similem  
 esse Patri in omnibus, & dicere Patri  
 esse æqualem. Itaque vox *homoiousios*,

p. 354. quod significat similem in substantia,  
 æque bono sensu accipi potest, quam *bo-*  
*moousios*, quod significat substantia eun-  
 dem. Tum S. Hilarius ad Orientales  
 bonæ fidei convertitur, ut dubia eorum,

p. 358. de voce, *Consubstantialis*, hærentia tol-  
 lat, & referens Nicænum Symbolum,  
 ostendit, hanc vocem nulla alia causa  
 fuisse adhibitam, quam ut veri Ariani  
 damnarentur, dicentes, Filium esse sim-  
 pliciter creaturam, & ut demonstraretur,  
 Filium ex eadem Patris substantia fuisse  
 productum. Tum generatim, aptam  
 vocem

vocem non supprimi debere, eo quod <sup>Sæculum IV.</sup> perverse accipi possit, probat ab exem- <sup>A. C. 359.</sup> plo hæreticorum, SS. Scripturis abuten-  
tium. Urget Orientales, ne dum ob-  
stinate vocem *homoousios* rejiciunt, suum  
illud *homoiousios* suspectum reddant, sed  
de vocibus non litigent, cum in sensu  
convenient. Tum hæc verba notatu  
digna addit: *Testem invoco Dominum*  
*Cæli, & terræ! me priusquam de disce-*  
*ptatione audivissem, utramque semper vo-*  
*cem probasse, & credidisse, quod HOMOIOU-*  
*SIOS idem significet, ac HOMOOUSIOS, ni-*  
*nilque possit alteri natura simile esse, quin*  
*sit ejusdem naturæ. Jam diu baptiza-*  
*tus, & aliquanto tempore Episcopus nihil*  
*de fide Nicæna, nisi paulo ante exilium*  
*meum audivi, sed ex SS. Evangeliiis &*  
*Apostolorum scriptis horum sensum di-*  
*diceram.*

## §. XI.

*Concilium Ariminense.*

Episcopi Galliæ, hoc modo de fide <sup>Athan. de</sup> Orientalium præmoniti, cum aliis <sup>Synod. p.</sup> Occidentis Episcopis Ariminum, cele- <sup>874.</sup> <sup>Sever. l. 2.</sup> <sup>p. 419.</sup> brem Italiæ urbem, in ora maris Adria-  
tici positam, convenerunt. Frequen-  
tissimus fuit Conventus, ubi ultra qua-  
dringentos Episcopos, atque inter illos  
octoginta ferme Ariani numerabantur.  
Inter Catholicos, quos novimus specta-  
tissimi